

Beth ddylwn i wneud os oes gen i bryderon am benderfyniad neu broses yr Archwilydd Meddygol?

Os ydych chi'n anghytuno â chasgliad yr Archwilydd Meddygol, fe'ch anogir i roi gwybod i'r swyddog sy'n cysylltu â chi. Bydd yn gwrando ar eich pryderon a bydd yn gallu trefnu ail adolygiad annibynnol gan Archwilydd Meddygol gwahanol. Os ydych yn parhau i fod yn anfodlon ar y canlyniad, gall y gwasanaeth gyfeirio'r achos at y crwner i gael ystyriaeth annibynnol arall.

Os oes gennych gŵyn neu ganmoliaeth ynghylch y gwasanaeth, gallwch gysylltu â thîm y rhaglen ar medical.examiner@wales.nhs.uk a byddant yn ymateb i chi cyn pen 30 diwrnod.

Cysylltu â'r Gwasanaeth

Gallwch e-bostio swyddfa'r Archwilydd Meddygol ar gyfer eich ardal neu ofyn i'r gwasanaethau profedigaeth gysylltu â'r tîm yn uniongyrchol i chi. Efallai y bydd angen i'r tîm Archwilio Meddygol eich trosglwyddo i adran arall os ydynt yn teimlo y byddai'n well ymdrin â'ch pryderon trwy sianel arall.

Swyddfa Gogledd Cymru

Ardal Bwrdd Iechyd Prifysgol Betsi Cadwaladr (gan gynnwys Ysbyty Gwynedd, Ysbyty Glan Clwyd ac Ysbyty Wrecsam Maelor)

NorthWales.MedicalExaminersOffice@wales.nhs.uk

Swyddfa Canolbarth a Gorllewin Cymru

Ardal Bwrdd Iechyd Prifysgol Bae Abertawe ac Ardal Bwrdd Iechyd Prifysgol Hywel Dda (gan gynnwys Ysbyty Treforys, Ysbyty Singleton, Ysbyty Bronglais, Ysbyty Llwynhelyg, Ysbyty Cyffredinol Glangwili ac Ysbyty'r Tywysog Philip)

MidandWestWales.MedicalExaminersOffice@wales.nhs.uk

Swyddfa Canol De Cymru

Ardal Bwrdd Iechyd Prifysgol Cwm Taf ac Ardal Bwrdd Iechyd Addysgu Powys (gan gynnwys Ysbyty'r Tywysog Siarl, Ysbyty Tywysoges Cymru, Ysbyty Brenhinol Morgannwg ac Ysbytai Cymunedol Powys)

SouthWalesCentral.MedicalExaminersOffice@wales.nhs.uk

De-ddwyrain Cymru

Ardal Bwrdd Iechyd Prifysgol Caerdydd a'r Fro, ac ardal Bwrdd Iechyd Prifysgol Aneurin Bevan (gan gynnwys Ysbyty Nevill Hall, Ysbyty'r Faenor, Ysbyty Brenhinol Gwent, Ysbyty Llandochoau ac Ysbyty Athrofaol Cymru)

SouthWalesEast.MedicalExaminersOffice@wales.nhs.uk

Gwasanaeth Archwilio Meddygol Cymru

Gwybodaeth i'r rhai mewn Profedigaeth



GIG
CYMRU
NHS
WALES

Gwasanaeth Archwilio Meddygol
y Bartneriaeth Cydwasanaethau

Shared Services
Partnership
Medical Examiner Service



GIG
CYMRU
NHS
WALES

Gwasanaeth Archwilio Meddygol
y Bartneriaeth Cydwasanaethau

Shared Services
Partnership
Medical Examiner Service



Beth yw'r Gwasanaeth Archwilio Meddygol?

Bydd y Gwasanaeth Archwilio Meddygol yn craffu ar bob marwolaeth ar draws ardaloedd lleol nad yw'n gofyn am ymchwiliad crwner. Mae Archwilwyr Meddygol, sydd hefyd yn uwch feddygon, yn darparu adolygiadau annibynnol o'r gofal a roddir i'r ymadawedig a gallant helpu i nodi unrhyw sefyllfaoedd lle mae cyfleoedd posibl i sefydliadau gofal ddysgu ohonynt.

Maent yn rhoi cyfle i'r rhai mewn profedigaeth ofyn cwestiynau, ceisio eglurhad neu godi pryderon ynghylch y gofal a gafwyd gan eu hanwylyd. Maent hefyd yn sicrhau bod y Dystysgrif Feddygol o Achos Marwolaeth yn cael ei chwblhau mor gywir â phosibl.

Bydd y Gwasanaeth Archwilio Meddygol yn darparu adolygiad meddygol annibynnol o ofal ac mae'n gwerthfawrogi eich barn, eich sylwadau neu'ch pryderon hefyd. Rydym am sicrhau eich bod chi'n cael y cyfle i gael trafodaeth agored a gonest am unrhyw beth sydd wedi eich poeni gyda rhywun sy'n deall, ond sy'n annibynnol ar y gofal a gafwyd gan eich anwylyd.

Rydym yma i wrando ar eich cwestiynau a'ch pryderon, i roi atebion a sicrwydd os yn bosibl, ac, os oes angen, i basio unrhyw bryderon ymlaen ar gyfer eu harchwilio ymhellach.

A fydd hyn yn gohirio fy nghynlluniau angladd?

Ni ddylai fod oedi i unrhyw gynlluniau angladd rydych chi wedi'u gwneud. Nod y gwasanaeth yw atal oedi a gweithio gyda chi i sicrhau y gellir cyflawni unrhyw gynlluniau angladd pan fydd angen. Bydd ychydig o oedi o ddiwrnod cyn y bydd y Dystysgrif Feddygol o Achos Marwolaeth yn cael ei chwblhau ond gallwch chi drefnu apwyntiadau gyda threfnwyr angladdau a swyddfa'r Cofrestrydd ar yr adeg hon.

A allaf i ofyn i'r Gwasanaeth Archwilio Meddygol siarad â rhywun arall os yw'n ormod i mi siarad â nhw?

Cewch, wrth gwrs. Efallai y bydd swyddfa'r Archwilydd Meddygol yn cysylltu â chi i ofyn â phwy yr hoffech i ni siarad yn lle, neu gallwch roi gwybod i'r tîm meddygol y byddai'n well gennych chi i ni ddefnyddio rhywun arall fel pwynt cyswllt cyntaf. Byddwn fel arfer yn cysylltu â chi dros y ffôn cyn i chi gasglu'r dystysgrif, ond gallwn drefnu ffyrdd eraill o gyfathrebu os bydd angen.

Beth os nad wyf am i gofnodion meddygol fy anwylyd gael eu hadolygu?

Yn ystod datblygiad cychwynnol y gwasanaeth, hyd at Ebrill 2022, mae gennych opsiwn i 'optio allan'. Disgwylir o 1 Ebrill 2022 y bydd yn ddyletswydd statudol ar y Gwasanaeth Archwilio Meddygol i adolygu pob marwolaeth na chyfeirir yn uniongyrchol at grwner.

Beth fydd y Gwasanaeth Archwilio Meddygol yn ei ofyn i mi?

Byddant yn rhoi gwybod ichi beth sydd wedi'i ysgrifennu ar y Dystysgrif Feddygol o Achos Marwolaeth i wirio a oes gennych unrhyw gwestiynau neu bryderon amdani. Byddant hefyd yn trafod adolygiad yr Archwilydd Meddygol ac yn gofyn a oes gennych unrhyw bryderon, sylwadau neu gwestiynau am y gofal a dderbyniwyd, neu am y digwyddiadau a arweiniodd at farwolaeth eich anwylyd. Dyma gyfle i chi ofyn unrhyw gwestiynau yr ydych yn dymuno am y farwolaeth a chodi unrhyw beth sydd wedi eich poeni mewn unrhyw ffordd.

Beth os nad wyf am ddweud wrth y Gwasanaeth Archwilio Meddygol am fy mhryderon?

Rydym yn cynghori'n gryf, os oes gennych unrhyw bryderon ynghylch marwolaeth neu ofal eich anwylyd, y dylech eu trafod gyda'r Gwasanaeth Archwilio Meddygol. Rydym yma i wrando ac i sicrhau bod unrhyw broblemau gyda gofal yn cael eu trosglwyddo i'r adran gywir i fynd i'r afael â nhw er mwyn i chi gael yr atebion rydych chi'n eu haeddu. Mae'r Gwasanaeth Archwilio Meddygol yn annibynnol ar ddarparwr y gofal a gafwyd gan eich anwylyd, felly byddwch mor onest ac mor agored ag y gallwch.

